

Ed.

393. Frumvarp

til laga um geldingu hesta og nauta.

(Eftir eina umr. í Nd.).

1. gr.

Hesta og naut, sem gælda þarf, skal svæfa áður en gelding fer fram.

2. gr.

Sýslunefndir hlutast til um, að hæfilega margir geldingamenn séu í hverri sýslu. Skulu þeir hafa lært að fara með svæfingarefninu (Cloroform) og einnig aflað sér þeirrar þekkingar og leikni, sem þarf til að inna verkið vel af hendi, og hafa fengið um það vottorð frá dýralæknini eða héraðslæknini. Dómsmálaráðuneytið setur reglur um sölu og afhending svæfingarefnis til geldingamanna. Án sérstaks endurgjalds skal dýralæknum skyldt að kenna mönnum innan þeirra umdæmis geldingaraðferðir og meðferð á svæfingarmeðulum.

3. gr.

Brot gegn lögum þessum varða sektum til ríkissjóðs, 50—500 kr., nema þyngri refsing liggi við samkvæmt öðrum gildandi lögum. Mál út af brotum skulu sæta meðferð almennra löggreglumála.

4. gr.

Lög þessi ganga í gildi 1. jan. 1933.